



Das reich der hispanier hat seine vrsprung nach den zeiten Tubal von phaleg seine sun gehabt. dan derselb ist auch Armenia gegangen. vnd hat erster das reich der hispanier (als ysidorus spricht) erlāgt. vñ im auch da selbst einen stul gesetzt. davor ist hispania auch hiberia genant gewesen. vnd ist ein gegēt die sich an dē pyrenēsche bergen anfaht. vnd vmb die seeln herculis geende bis in das mitternächtlich meer raychet. also das alle ding in dem selben vmbkrais begriffen als in hispaniam gehörende geachtet werdē. der größe (als Apianus der geschichteschreiber setz) vil vnd vngleübllich in einer gegent ist. dan sie ist zehen tausent achteyl einer meyl prayt. vnd auch schier also lang. mancherlay völker mancherlay namens haben darnach daselbst gewonet. da sind auch vil schiffe in dem wasser. dise gegent ist fruchtper vñ reich an waytz. wein. ol auch allen metallen vnd thiren die dē geprauch der mensche dienstlich sein mügen. vnd sündelich ist sie überflüssig an überschnellen vnd allerstercksten pferden. Dreyhundert ganze iar ist bey den hispaniern vnder den römischen heersfürern Scipione. Gracco. Albino. Catho. Metello. Pompeyo dem kaiser vnd andern gekriegt. vnd hispania darnach durch die selben heersfürer angenomen vnd das volck cantabri zu letst von augusto bestritten worden. als aber hispania den römern freylich gehorham erschienen ist. ist sie auch den römern mit solchem beystād vñ zierde ersprosse das die römer nye einiche mercklichen krieg on den hispanischen ritter gefürt haben. vnd auff disen heütigen tag werden vil anzeigunge der römer in hispania gesehen vnd sind vil stett darinn etwē von den römern besetzt worden. vñ wir haben auß disem reich empfangen mit allain Quintilianū. Senecam. Lucanū. Luciu. Floru. Pompeyū. Mellum. Siliū. Italicum. Marcialē vñ Orosium die lerer vñ schufftweisen: sūder auch die allernützlichsten gemains nutz regirer vnd durchzüchtigsten kaiser. als Neruam. Traianū. Hadrianū vñ die Theodosier zu zeiten der heyde. Aber zu eren dem cristenlichen namen hat hispania auch geporn die allerhohberümbsten sand Laurentien vñ sand Vincenzū Valerij iacques. vñ schirmer der sellen. Printed by J. G. Neumann, Neudamm, 1788.

Herzog August Bibliothek Wolfenbüttel



